

৫.০ ধর্ম বিষয়ক মন্ত্রণালয় কর্তৃক প্রণীত 'হজ ও ওমরা নীতি' বাস্তবায়নঃ

- ৫.১. স্বাস্থ্য সেবা বিভাগ সংশ্লিষ্ট হাসপাতালের পরিচালক/সিভিল সার্জন/তত্ত্বাবধায়কের মাধ্যমে সরকারি হাসপাতালে হজযাত্রীর স্বাস্থ্য পরীক্ষা সম্পন্ন করার ব্যবস্থা গ্রহণ করবে।
- ৫.২. নির্ধারিত ফরম্যাট অনুযায়ী (পরিশিষ্ট-ক) বাংলাদেশী হজযাত্রীর (ব্যালটী ও নন-ব্যালটী) স্বাস্থ্য পরীক্ষা সংক্রান্ত ইলেক্ট্রনিক মেডিকেল প্রোফাইল তৈরি করবে এবং সময় সময় তা অনলাইনে হালনাগাদ করবে।
- ৫.৩. মেনিনজাইটিস, ইনফ্লুয়েঞ্জা ইত্যাদি প্রতিষেধক সংগ্রহ ও প্রদানের ব্যবস্থা গ্রহণ করবে।
- ৫.৪. সৌদি আরবে হজযাত্রীর স্বাস্থ্য সেবা প্রদানের লক্ষ্যে ধর্ম বিষয়ক মন্ত্রণালয়ের চাহিদার প্রেক্ষিতে স্বাস্থ্য সেবা দল গঠনের নিমিত্ত মনোনয়ন প্রদান করবে।
- ৫.৫. সুষ্ঠু হজ ব্যবস্থাপনার স্বার্থে শারীরিক অযোগ্যতার ক্ষেত্রে চিহ্নিত করে স্বাস্থ্যগত অনুপযুক্ততার সনদপত্র প্রদান করবে।

৬.০ স্বাস্থ্য সেবা দল গঠন পদ্ধতিঃ

- ৬.১. স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়ের আওতাধীন অধিদপ্তরসমূহকে ন্যূনতম ৩০ (ত্রিশ) কার্যদিবস সময় প্রদান করে ধর্ম বিষয়ক মন্ত্রণালয়ের চাহিদা অনুযায়ী হজ স্বাস্থ্য সেবা দল গঠনের লক্ষ্যে প্রাথমিক তালিকা প্রেরণের অনুরোধ করবে।
- ৬.২. অধিদপ্তরসমূহ নিজস্ব ওয়েব সাইট ও নোটিস বোর্ডে বিজ্ঞপ্তি প্রকাশসহ প্রয়োজনীয় প্রচারণার মাধ্যমে ন্যূনতম ১৫ (পনের) কার্যদিবস সময় প্রদানপূর্বক হজ স্বাস্থ্য সেবা দলে অন্তর্ভুক্ত হওয়ার জন্য আগ্রহী প্রার্থীর নিকট থেকে আবেদন আহ্বান করবে।
- ৬.৩. আগ্রহী চিকিৎসক, নার্স, ফার্মাসিস্ট, মেডিকেল টেকনোলজিস্ট এবং স্বাস্থ্য সেবায় নিয়োজিত কর্মচারি তাঁর স্থানীয় নিয়ন্ত্রণকারী কর্তৃপক্ষ বরাবর নির্ধারিত ফরম (পরিশিষ্ট-খ) পূরণপূর্বক আবেদন দাখিল করবে।
- ৬.৪. স্থানীয় নিয়ন্ত্রণকারী কর্তৃপক্ষ বিবেচ্য আবেদনকারীর অনুপস্থিতিকালীন দায়িত্ব পালনকারী কর্মকর্তার নাম ও পদবী ফরমের নির্ধারিত স্থানে লিপিবদ্ধ করে আবেদনকারীর শারীরিক সুস্থতার প্রত্যয়নসহ আবেদনটি স্ব স্ব অধিদপ্তরের মহাপরিচালক বরাবর অগ্রায়ন করবে।
- ৬.৫. নির্ধারিত তারিখের পরে প্রাপ্ত কোন আবেদন হজ স্বাস্থ্য সেবা দলে অন্তর্ভুক্তির জন্য বিবেচনাযোগ্য হবে না।
- ৬.৬. হজ স্বাস্থ্য সেবা দলে সদস্য মনোনয়নের ক্ষেত্রে মন্ত্রণালয়ে সরাসরি কোন আবেদন গ্রহণ করা হবে না।
- ৬.৭. সংশ্লিষ্ট অধিদপ্তর ধর্ম বিষয়ক মন্ত্রণালয়ের চাহিদার অতিরিক্ত ৩০% বেশী আবেদনকারীর (মূল আবেদন ও অন্যান্য কাগজপত্রসহ) আবেদন সম্বলিত প্রাথমিক তালিকা স্বাস্থ্য সেবা বিভাগ বরাবর প্রেরণ করবে।
- ৬.৮. সৌদি হাসপাতালে রেফারযোগ্য রোগীর সংখ্যা কমিয়ে আনার লক্ষ্যে পর্যাপ্ত সংখ্যক মেডিসিন, হৃদরোগ, সার্জারী, পাবলিক হেলথ বিশেষজ্ঞ ও অন্যান্য বিশেষজ্ঞ সমন্বয়ে প্রাথমিক তালিকা প্রণয়ন করতে হবে।
- ৬.৯. হজকালীন তিনটি দলের (মক্কা, মদীনা ও জেদ্দা) দলনেতা নির্বাচনের লক্ষ্যে মহাপরিচালক, স্বাস্থ্য অধিদপ্তর বিসিএস (স্বাস্থ্য) ক্যাডারের ন্যূনতম ছয়জন চিকিৎসক এবং মহাপরিচালক, নার্সিং ও মিডওয়াইফারী অধিদপ্তর ন্যূনতম ছয়জন নার্সিং সুপার/সুপারিনটেন্ডেন্ট/মেট্রন/চীফ মেট্রনের নাম সম্বলিত পৃথক প্রস্তাব স্বাস্থ্য সেবা বিভাগ বরাবর প্রেরণ করবেন।
- ৬.১০. স্বাস্থ্য ও পরিবার কল্যাণ মন্ত্রণালয়ের কর্মকর্তা/কর্মচারীগণ নিয়ন্ত্রণকারী কর্তৃপক্ষের সুপারিশসহ সচিব, স্বাস্থ্য সেবা বিভাগ বরাবর আবেদন করবেন।
- ৬.১১. ডেপুটিশনে কর্মরত চিকিৎসক, নার্স, ফার্মাসিস্ট, মেডিকেল টেকনোলজিস্ট এবং স্বাস্থ্য সেবায় নিয়োজিত কর্মচারি স্ব স্ব নিয়ন্ত্রণকারী কর্তৃপক্ষের সুপারিশসহ সংশ্লিষ্ট অধিদপ্তর বরাবর আবেদন প্রেরণ করবেন।
- ৬.১২. স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়ের নিম্নোক্ত কমিটি আগ্রহী প্রার্থীদের সাক্ষাৎকার গ্রহণপূর্বক হজ স্বাস্থ্য সেবা দলের তালিকা চূড়ান্তকরণের লক্ষ্যে সুপারিশ প্রণয়ন করবে:

(ক)	অতিরিক্ত সচিব (হাসপাতাল), স্বাস্থ্য সেবা বিভাগ	সভাপতি
(খ)	মহাপরিচালক, স্বাস্থ্য অধিদপ্তর বা তাঁর প্রতিনিধি	সদস্য
(গ)	মহাপরিচালক, নার্সিং ও মিডওয়াইফারী অধিদপ্তর বা তাঁর প্রতিনিধি	সদস্য
(ঘ)	মহাপরিচালক, পরিবার পরিকল্পনা অধিদপ্তর বা তাঁর প্রতিনিধি	সদস্য
(ঙ)	যুগ্মসচিব (সরকারি স্বাস্থ্য ব্যবস্থাপনা), স্বাস্থ্য সেবা বিভাগ	সদস্য সচিব